

## Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

### Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

### Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

# P R A E F A T I O

in

## Atlantem.

**A**tlas rex Mauritanie & regio stemmate natus, Patrem habuit Terrenum sive Indiam genam, iuxta Eusebij ex antiquissimis historicis testimonium, qui fuit Caelus cognomina natus & matre Titeam, cognomine Terram, aum paternum simulq; maternum Elium sive Solem regem Phoeniciae, qui cum uxore Beruth in Biblo habitabat, ambos insigniter in Astronomia & naturalibus disciplinis versatos, ita ut eruditionis gratia Solis & Caeli nominibus digni haberentur. Et quidem Atlas, ut citant veteres, Diodorus lib. 4. cap. 5. astrologus fuit peritissimus, de quo sphæra primus inter homines disputauit. Fratres habuit multos, quos Caelus ex diuersis uxoribus genuit usque ad 45. quorum 17. ex Titea prudentissima, & hominibus multum benefica fœmina habuit, quos communi nomine à matre Titanes appellauit; Sorores quoque habuit, inter quas præcipue fuerunt Basilia, quæ fratres omnes suos in gratiam matris educauit, proptereaq; magnam aiunt matrem appellatam, & Rhea quam Pandoram dixerunt. Basilia autem cum Caelus obiisset, ut prior annis, prudentiaq; & virtute reliquis præstantior, communis fraterum & populorum consensu regnum nostra est adhuc virgo, cum nulli antea nupsisset. Postmodum cupiens regni heredem relinquere, fratri Hyperioni nupsit, ex quo duos peperit liberos, Solem & Lunam, quorum prudentiam admirati Hyperionis fratres, ne ipsius posteris regnum confirmaretur, ipsum obtruncarunt, & Solem adhuc puerum in flumine Eridano suffocarunt. Tum Caeli filij, quorum nobiliores Atlas & Saturnus erant, inter se partiti sunt regna patris, Atlanti loca iuxta Oceanum, & Lybiam usq; ad fretum Gaditanum contigerunt, ubi mons Atlas & gentes Atlantes ab eo dictæ sunt in Mauritania. Saturno vero Sicilia ac Libya obuenerunt, qui & postea exodus à suis ob tyrannidem in patrem Caelum commissam, fugit in Italiam, ibi à Iano particeps regni factus. Quia autem Diodorus citat, primum apud Atlantes regnasse Caelum, hominesq; antea per agros dispersos ad cætū condendasq; urbes ab eo exhortatos esse, certū est, antiquissimos hos reges esse, fuit enim Atlantis filius Atlas, pulsò fratre Hespero, rex Iberiae, quæ post Hispania est dista, anno post diluvium uniuersale 738. Hespero in Etruriam fugiente, ubi factus est Iani tutor. Amus Atlantis Elius in Phoenicia regnabat anno à diluvio 662. Et testatur Diodorus hos reges insignem prudentiam ex natura rerum & contemplatione nactos, simul & humanitati ac pietati assuefactos esse, ut merito dicat Diodorus, Atlantides tum pietatis, tum erga aduenas humanitatis præceteris gentibus laudem tulisse, quando vix 22. aut 23. generatione completa, multæ continentis partes hominibus adhuc vacuae erant. Habuit Atlas plures filios, sed unum pietate ac in subditos iustitiae humanitateq; insignem, quem Hesperum appellauit, qui cum in Atlantis cacumen ad scrutandos astrorum cursus ascendisset, subito à ventis corruptus, nequaquam amplius visus est. Sic Diodorus; sed ego ut dixi regem in Iberia fuisse inuenio, adeoq; ventis secundis in eam traieciisse, ubi ita prudenter & piè vixit, ut cum à fratre in Etruriam fugisset, ob insignem sapientiam & prudentiam, in Iani tutorem & regni administratorem sit constitutus, quæ munia frater eius Atlas post Hesperi mortem suscepit. Hunc Atlantem tam insignem eruditione, humanitate ac sapientia virum imitandum proposui, quo ad ingenium & vires suppetunt, Cosmographiam veluti ex alta animi specula contemplaturus, si forte aliquid veritatis in rebus nondum percognitis rimari possem, quod ad sapientiae studia conferat. Et ut Cosmus omnium rerum numerum, species, ordinem, harmoniam, proportionem, virtutes & effectus continet, ita à creatione incipiens, partes eius omnes, quatenus methodica ratio postulat, iuxta creationis ordinem enumerabo, & physicè contemplabor, quò cause rerum innescant, ex quibus scientia constat, ex scientia, sapientia, quæ ad bonos omnia fines dirigit, ex sapientia, prouidentia quæ finibus facilem viam præstruit: hic erit mihi scopus omnium, deinde suo ordine tractabo cœlestia, mox Astromantica, quæ ad divinationes ex Astris pertinent, quarto elementaria, deniq; geographicæ, sic totum mundum tanquam in speculo proponam, ut ad inueniendas rerum causas, sapientiam & prudentiam assequendam, sint aliqualia rudimenta, & lectorum ad altiores speculationes ducere possint.